

228564

永樂大典

卷〇三九四八 神字

卷〇三九四九 神字

卷〇三九五〇 神字

卷〇三九五二 神字



重錄 總校 官侍 郎 日 商 供

學士 莊 華 未 清

分 校 官 編 錄 莊 陶 人 臨

書 寫 儒 士 莊 李 永 考

圖 點 監 主 莊 叢 仲 稿

莊 徐 浩

永樂大典卷之二千九百五十一

九真

神

宋王東牟先生集已未歲新復河南故地肆赦諸神文禍生不虞猖狂
羯胡妖瀆神都幅裂中區文軌未同一呈已終天誘其衷革心大戎使幣
肅將議和交相河南職方歸我侵疆天子聖明發于至誠澤霽案瀛顯
蒙崇神德之聰血食無窮明命肅恭惟其感通又國家以火運中微
胡虜暗于華夏中原數百州之地淪沒羶腥爬者上天悔禍而虜使議和
河南綿地數十里復歸版籍天子有惟新之澤大霽遐邇凡神之德及民
桑位列祀典者咸得以薦享之是用肅奉明命神其格思又夷狄腥
羶之氣薰蒸上都天亦厭之得胡人有休兵議和之約以幸黎庶天子側
然肆赦蕩滌區內凡群望百靈皆預嘉澤惟神昭著祀典血食一方敢不
有薦也。是用肅奉王命神宜鑒之章忠恪公集代人祭濟沁神文方冬
沍寒水潦既降而沁流驚端審岸隱我豈不虔俗慮不謹遺神羞耶
將玉帛不陳犧牲不時貽神怒耶惟神庇之幸永厥賜敢以祭告冀鑒歆

茲王初祭先生集行日祭神文性山日雜宜和五年正月乙卯朔二十
五日己卯具位王某謹以牲酒祭于某神某奉詔撫師消日戒道仰承聖
筭遠震天聲旌嘉前陳將士賈勇惟神陰相利用適行尚委儀真志孝道
傳祭瓜步山神文維嘉定七年歲次甲戌九月壬戌朔十五日丙子朝
奉郎權知真州軍州事新除江東提舉李道傳謹遣武翼郎添差真州聽
候使喚權監瓜步鎮王福告于瓜步山神大江爲南北之限東流至于林
陵京口之間其狀極矣連山雄秀橫列江南而其地則平原曠野蘆葦之
場也惟此山獨立北岸孤峙峻峭四面平絕下臨無際若可與南山之雄
大江之壯相爲賓主者改非甚高且大而實地氣所鍾也是以出雲致雨
利澤下民其見祀宜也然今所祀者乃南北分裂時所祝胡鬼之像夫以
中國之人相率事夷狄之鬼已甚不可況元嘉之盛人物繁阜自其飲馬
于江邑里爲之蕭條此山正其駐兵之地受害最烈而千載之後方且廟
而祀之像而嚴奉之豈不大謬哉道傳雖守此州欲正其祠久矣今忽被
命移官念不可不一正之而去月遣鎮官撤神之像投諸江而以其地祀
山之神道傳將告于新守此州者以事工于朝秩神之祀神其鑒之謹告
元王神淵集祭乎惠神文惟神淵懿徽柔德施乳育膏澤其泉莫爲

湖浸屋而祀之禮固宜矣。茲者時雨愍常滿絳兩州旱暵頗甚吏寔不職
民將何尤。夏麥華而半成。摘稼虛而可燒。衆仰一溝之水。時爲年歲之安
然得之有限。說之不濟。與其施及乎有數之田。何若膏潤或一境之內。意
卽承憫。紫神能然。伏望起伏龍。報電數神。泓爲之變。勸川雲隨而翁從。細
建天歡。濟雷壘。飢使稿者勃興。而如握。熱者得涼。而輒醒。雲漢昭回。一滌
蘊隆之氣。既宴滿載。卒成大有之年。神能鑒茲。敢忘昭報。尚享。祭元神
祝文。歲次丙辰九月戊戌二十九日丙辰臣等謹以清酌庶羞之奠。敢告
于歲德之君。惟神一歲之君。百神是統。端臨異位。獨秉威權。悔吝祥維。
神是與臣。某父某年。踰知命。心切齋家。動靜之間。既平。稱養公私之際。尤
重億違。而又庭戶。積缺。子孫不孝。於七月二十七日。遽嬰末疾。將抵于冬
因致沉綿。力疲舉履。日困元命。躬薦愚辰。幸冀神明。明發躋和。孫尚享。祭
孝感聖姑神文。惟神肇迹。博靈邁仙。滴清湖。懿昭靈。作養聖母。千秋永賴。
神功斯濟。食弗再則。飢衣弗製。則宴念此歲事。惟神其惠。顧之尚享。祭
武强南龍池神文。維神威洞淵府。奮飛天衢。致雨興雲。執帝之樞。顧此
冀野。時極焦槁。桑平捲而出。作祟殺出。壠而氣未蘇。農官至無可勸。窮民
將失其所。國匪惟吏責。恐亦神之所當虞也。况蒼精昏見。通時之望。望靈

祀而致禱。庶少鑒其區區。嗚呼。擴帝仁而洞下土者君也。我當供厥職耳。免吏責而歲有成者神也。報則其敢後諸尚享。祭黃崖山神文。節彼南山莫安一方爰產奇石紫質青章玉官膳興爾馬來營伐而材之不無震驚。用是昭告惟神降寧庶憑默佑。迄用有成尚享。胡祇道紫山集西治祭金火神文。某年月日某官某謹致祭于大金之神。惟神視融正號。辱收表功爰職而歲從革而利成。熟庶物割載萬堅列五材以養民。分四時而成歲。神功相協國用以饒。方今我國家外攘夷越內敦農桑欲成其功先利其器。兵則戈矛勿戢農則耒耜鋤耨有備無虞闕一不可。分命厥官大興諸冶某等董工就事備物具材有炬既明有索斯舉謹占吉旦敬告明神。伏願炭熾而堅礦銷而利出坤江河之決積金山岳之高格遵彝儀式陳明薦尚享。國朝謝肅家庵集閩憲祭所歷山川之神文。維洪武十七年歲次甲子二月己巳朔越二十五日癸巳福建等處提刑按察使陶臣仲副使費復初金事謝肅何履道謹以牲酒祭于大江浙江蘭溪建寧延平福州山川溪灘諸神。白。維並之春天運載新皇底其治。熙陟群臣。肆我僚友欽承符節再振憲綱。爰采閩粵所歷山川自江而浙大溪急灘千紫萬折乃於其間。峰巒叢業關塞極天波濤攬雪還舟易馬水

陸無行。以莫不寧弗稽王程何以致此。由神之靈。神靈伊何。正直聰明。或山川之秀。或人中之英。有感即通。如響應聲。噫而風颭。呼而雷霆。幹旋潮沙。舒卷兩晴。何神之靈。與元氣并變化。莫測惟格于誠。我亦誠止。神毋我怨。我答神休。一觴是真尚享。

唐沈下賢集祝楠木神文。并序。謫掾秋病偃于漢之陽悅而夢見其形甚穢。長肢短骨。薄頂無尻。充眉彈吻。嗜痔而饕。燈視膜眈。覺氣腥臊。指人生寒。粟肌捷毛。及寤惟歎。以告筆吏。局曰。斯竊鬼也。亞之曰。竊鬼何端而侵我乎。局曰。竊之為情。惡慳慳。而押雖同丘。為仇同惡。扶依。依邪。傳影側步。側趨。託古附語。以調淫亞。今掾之為人。體曠情虛。樂態惡。行士惡。內曠外疎。翱翔自儀。舉止無虞。不機不為。為所啗也。無乃異乎。亞之曰。何以去斯患也。吏曰。局聞之。楠木之神。其司鄧土之陰。可以酌而訴也。願召巫月酒。有以奇詞為祝。使其有魂。必榜且戮。據無爵也。於是乃與譔為祝言。一闕以道所惑。其詞曰。傾江漢之長濶。分洶晨雲於宿霞。惟附猷之積峯。分寓甘臂之清泚。聞楠木之留古。神兮宅同簾之荒岬。茹清明之靈英。舍端光而為體。與于節及蛟峭。分惡情明之闇竊。與客子之何窮。分開五血於竊鬼。竊鬼之狀。草初模林。蹴折分蟾背。棚橫分蠶腹。祝聲路岐。又分薄頂。

而蛇頸。嗔拔分赤臉而鼠目。伺差池於隙情。分授怪言以禍福。拒良藥於
煩疾兮。謗嘉肴而謂之毒水。戾氣以爲介。介避神丹之利。鐵拔堆魁之
朽險兮。非神君兮。孰能以族洗苦身而爲詞兮。望皇靈於楫水。欲陽公集
瓊林苑交牛。禱祭太歲。諸神祝文。天行有度。運三統以環周。歲德所臨。
從百神而拱列。載消穀旦。薦此今芳。惟陰鑒之享。誠要時祥而昭佑。慈家
考達。拙文堂集。遷移帝座。神象大器告遣祝文。恭營吉壤。初建殊途。消
選休辰。舉寧真仰。敢伸蠲告。冀格休祥。同前奉安祝文。夙謁館御。祇
奉威神。敢薦熏修之儀。冀格燕寧之佑。仰祈聰鑒。俯察誠心。玉與鉤。應德
澤水來靈顯。三侯祝版文。凡效官一方者。厥有神職。相之冥冥。矧將使
指問俗。南驅正且。聰明在所當肅。謹以頌念之。三日款謁祠下。侯其相之。
宇溪陽先生集。寓龜陵。告四殿尊神祝文。乙丑。某生於神鄉。長於神國。
蒙神之休感。神之德循。理安貧水。惟報塞。苟有狄難。流離異鄉。八平荆楚。
伏神休祥。聚指食息。以壽以康。季男溫恩。乘障珍南。千里挈家。牽舟泝江。
寸心隱憂。寢食不遑。行次龜陵。敬辦片香。虔修祀事。仰答鴻龐。得假餘息。
恩斯不忘。吳泳鶴林集。立春祀五福十神祝文。攝提正于孟陬。方喜瑞
杓之換。天神貴者太一。載嚴玉填之祠。爰迪舊章。式登明祀。伏願上皇降

監五福照臨邊境息師盡洗旄頭之色田疇多稼吏陳龍角之祥立夏
祀五福十神祝文孟夏之律中呂吉日維良太一之壇三陟衆靈咸會爰
舉奏詞之典式祈嚮月之休伏願穆若上皇監于下土星辰清潤邊無多
壘之虞年穀登登民識有主之樂立秋祀五福十神祝文伏以昂主
酉方月行白道其明者太乙釐于天庭之中將憺兮壽宮錫爾下土之福
式遵彝典用致精祈伏望八極潛通十神昭假師干載我掃除氛氣之妖
穢寶既登醢醢豐年之慶海神生辰祝文惟神廟食茲土庇佑我民
屬臨誕期爰秩弁祀期歲逢荒北民尚阻飢米方航海而旨風來秧正在
田而淫雨至願垂隔相時其兩勝庶幾民有粒食之期吏寬爲牧之責惟
神其鑒之陳耆卿賁憲集大比靈康祝文神爲此方靈祠之冠言神之
靈者但曰去菑保歲而弗思其大者焉夫士短長在已尺度在有司而利
達之衆且寡亦足以爲神之榮蠅神既廟于多士之邦矣而不爲多士謀
無是理也尚惟左之若之俾人人奮張而不虛其多士之號神之靈於是
爲大其賢於去菑保歲也遠矣鎮安祝文歲大比諸生奉酒醴告于
廟祀曰乞靈也夫人保於城城依於神故雖境內毫髮之務惟神之爲聽
况於賓興多士事大體重者哉夫田可力耕而儉不能自必之者神爾

願言陰相俾獲見功名之秋庶幾不負留禽且償厥志敢不夙夜思所以
答神之賜蘇永坡某西京會聖宮修神御帳座畢功告還諸神祝文。維
元祐二年歲次丁卯月日孝曾孫嗣皇帝日某謹遣某官敢昭告于太祖
啓運立極英武睿文神德聖功至明大孝皇帝頃詔有司恭修厥座暫安
別殿以作庶工既匠事之告成宜真游之來復願垂昭鑒及此良辰尚享
西京會聖宮修神御帳座畢功奉安諸神祝文。維元祐二年歲次丁
卯月日孝曾孫嗣皇帝日某謹遣某官敢昭告于太祖啓運立極英武睿
文神德聖功至明大孝皇帝陛下謹告成光協歲時之吉靈祐永冀復瞻天
日之光庶俾後人仰蒙餘慶尚享王親公某某神奉安祝文。祠庭嗣新
貌儀載肅日時甚吉有秩具陳神乎來哉以有安宅尚享劉才郎於溪居
士集奉安胎烈武成王并殿內及兩廡諸神像祝文。伏以惟王之道文武
所師志屬鷹揚功高夾輔茲建右學申加崇奉式陳潔薦奉以即安神
其來燕維以永寧告還胎烈武成王并殿內諸神像祝文。伏以學館
肇新崇堂克建載消吉旦還奉威容用安明靈式冀歆格揚冠卿家亭類
蒙春孟祭五世神座祝文。奕奕寢廟安安神靈歲律肇新王春茲始虔修
祀事肅展時思萬谷類祝神文。朝誦暮結久接齋館嘉敬清酒用薦饗育

要福乞靈。我則異於是。誠心精意。神其祐之乎。許應龍東湖集立春祀五
福太乙十神祝文。立春之日。實闢一歲之端。受祿于天。而萬十神之祐。
仰瞻碧昊。俯控丹臺。伏願仙軀下臨。高真洞鑒。使壽伏富。更多男子之祥。俾熾
俾昌。益羨泰元之災。魏鶴山大全集立秋祀五福十神太一祝文。月望
東維。氣澄西顙。時維四立。報重十神。敢迓彝章。式嚴主薦。庶綏神顧。申錫
邦休。銷耳沴祥。導迎和氣。師干載戢。千載屢豐。嘉與並生。永嚴躬重。王岐
公華陽集開汴口祭諸神并河陰縣河侯神祝文。伏以崑崙之墟。靈汭
善下。醴波東注。轉漕京師。歲無悍驚。繫神之取。祁國畏公主宅立木。祭
太歲諸神祝文。伏以王姬築館。國有舊儀。大庀工徒。按日興作。諸神有
位。同或獨虞。郡解鄆溪。集開撥汴口祭汴口之神河侯之神靈津之神祝
文。巨河之壩。決而東注。漕舟是賴。啓塞雄時。春氣發陳。理當疏鑿。神其
綏閑。復此安流。章惇玉堂集脩完內城祭告太歲已下諸神祝文。伏以
商訊靈日。言治宮城。工徒始興。神鑒來相。永孚多福。以憲厥成。主薦告虔。
尚克右贊。為淮南兩浙等路久旱於南徽祈雨祝神文。伏以在德弗
類。厥罰常暢。東南沴藹。所被甚廣。夙夜兢懼。庶乎折銷。惟神監觀。孚佑下
土。錫康垂澤。寶賴至仁。四星子耐葬新草破地奏告諸陵祝文。伏以

永念孩嬰。奄罹薦閼。言營宅兆。往樹陵壙。僞工有期。敢不潔告。趙鼎臣竹
 隱吟士集定州迎神祝文。維仲之春。既播厥穀。雖具宜於民。乃實仰繫
 於天時。苟風雨之甚調。庶災荒之可待。神將有報。史不敢忘。尚乎畢仲游
 西臺集太白太湫神祝文。維某年月日。具位畢某謹以清酌庶羞之奠
 敢昭告于太白福應王太湫之靈。華原自八月至於二月不雨。宿麥將槁
 秋種未入。是用赴訴。恭致一言之多而禱之。以求千里潤澤之應。苟非誠
 之不至。則神無難焉。蕭鼓笙簧。從以耆耄。惟神俯憐衆戚。回枯改潤。油然
 潄然下。崇朝而鼓舞於境內。則願率邦人圖報。太白太湫神靈之賜。其
 敢不腆尚乎。強祠部集明堂前祭告千里內諸神祠祝文一首。國家嗣
 講聖享禮物。具庀。辛日維吉。將展熙事。預孚神聽。宜有以禱尚乎。陸游渭
 南集嚴州戊申謝露參祝文。乃者露老而未爾。麥秋而未獲。天作霖雨。
 將害于威。惟神降厘。陰沴消弭。桂登于俎。酒湛于觴。雖以薦誠。匪敢言報。
 真西山集北山神祝文。北山之神。聞者仲春之辛巳。以閏雨有禱于神。
 壬午遂雨而雷亦發聲。自是之後。連日皆雨。而丁亥之旦。迅雷驟雨。尤極
 霽霽。辛卯又雨。丙申以至戊戌。如丁亥焉。至是而一犁始足。霽色逾旬。農
 方跂望。穀雨之旦。又如丙申。嗚呼。非吾北山之靈。大茫茲土。顧何以獲茲。

敬卜休濟之慶。再拜以謝。願今有望於神者非一日。神之始終庇民者。亦常如一日。而是則某區區之願也。謹表。又詩以龜蒙爲魯邦所瞻。惟時泉山亦此之龜蒙也。某。兩叨假守。每早盥漱請于神。無不響應。前後四年歲皆告豐。是神有功于民。且有造于某也。壇壝將新。而某遂去。惜不睹其成。即日登塗。回瞻龜蒙。不忘起敬。出雲爲雨。潤澤千里。俾歲以屢熟。某尚尚有望焉。周益公大全集修整大廟殿宇等畢。工告還。祖宗并別廟神主還殿室奉安祝文。伏以國之大事。莫重親郊。祇率舊章。載新祖廟。是消吉旦。還奉威靈。永冀安妥。益敷多祐。尚享。某宣官祖宗諸后神御祝文。伏以維邦之媛。人冠列祀。茲正長秋。率遵親訓。前期致告。式備舊規。有仙闕宮。其綏後祿。景靈宮祖宗諸帝神御祝文。伏以維邦之媛。早事初潛。登進椒塗。並遵親訓。禮行有月。敢不告虔。先祖是皇。其綏後祿。恭宗禮北海集温州恭還祖宗神御七位奉奏祝文。伏以上都猶阻。原廟未還。永惟眇末之資。實屬繼承之責。率賴祖宗之餘訓。力圖家國之中興。姑即便邦。載嚴神御。屬奉還於聖祖。以就次於行宮。並瞻將穆之容。序正尊卑之位。庶顧安於後裔。期歸復於舊京。嘉薦弗親。孝思曷已。尚享。温州告還聖祖天尊大帝聖像景靈宮奉安。奏告祖宗神御祝文。伏以帝蘇

皇圖宜有發祥之自。祖功宗德。豈無流慶之先。惟世系之推尊。實仙源之所出。興言寶像。遠即海邦。將違次於行宮。以並嚴於烈祖。庶合神靈之意。水延宗廟之休尚享。太皇太后梓宮發引渡江。祭告錢塘江神祝文。伏以鳳翼宵陳。鸞車夙駕。指清江而利涉。宜神物之效靈。爰飭薦羞。用神虔告。率邇彥北門集。宣德樓工祭。祭告五方五常太歲神。十二神。將。梁謹遣某官取昭告于。東方青帝。南方赤帝。西方白帝。北方黑帝。中央黃帝。太歲神。十二神。將。梁官土地等。伏以端闈持啓。國體增崇。有嚴寶楫之確。式壯宸居之邃。載消吉旦。肇舉脩梁。茲賴休成。用伸虔告。元程端學續齋集辭神祝文。某聞天子祭天地。諸侯祭境內山川。大夫祭五祀。士祭其先祖也。下僭上。遠間親。謂之悖禮。典禮出於天。聖人脩之以教。則守禮者為奉天。悖禮者為逆天也。世降流漓。異端肆行。淫祀遍天下。以庶人而祭天地山川。下僭上也。薄先祖而厚淫祀。遠間親也。僭上間親。逆天孰甚焉。乃設神位。焚香禮拜。曰。吾敬天地鬼神。非反本乎。且有其誠。則有其神。無其誠。則無其神。非其鬼而祭之。則血脉不相通。鬼神有所不格。況天之所以與我。吉凶禍福。在吾敬肆之間。而非謫所能致。不敢干名。犯分。以

求非常之福。爰自營室正寢之來。已建祠堂奉先世神主。某又聞朱子曰。士亦可祭二祀。故於東廡置后土祠。東廚設竈神位。自餘舊奉星斗城隍府主暨諸神之位。茲不敢復奉。匪我敬慢。禮所不得。雖然。人知敬神而不以禮待神。乃大不敬。我今非禮不祭。則世人莫如我敬神也。惟爾有神。尚鑒我心。胡祇通紫山集皇城啓土祝神文。奠安神鼎。已成萬雉之崇墉。拱衛皇居。宣亘重圍之禁宇。上功斯來。坤室定司。再獻明禋。用符卜吉。遵自周之宅洛。辟于郊以用牲。雖損鉅春鍾之暫營。庶外內闕庭之咸俗。邦基本固。神庥是扶。宋周美成集禱神文并序。齊山子既弱冠。得健忘疾。坐則忘起。起則忘所適。與人語則忘所以對。行於塗。惜惜然趨之。頭越墮。抵植木。僮僕在後。叱叱然呼之。然從知這。此年尤劇。自以爲苦。莫知所以治者。有老子之徒教之曰。人身各有神。神各有司。而心爲之主。神之不靈。衆事錯焉。深雪其心。則君明令嚴。百官仰流。職事不遺。然孰不涉事。而無此疾者。其君不撓也。子非撓其君。其時血并於上。氣并於下。而爲此疾乎。心明識還。血蘇氣蒸。殆可以已此乎。然人之所知者止此耳。吾得法於海上。以時祭其神。酒一茗一。割鹿爲脯。藉以白茅。香執肥臠。於闥室以意力達神出。既食既享。於是有道家法。并以呪語其輪。祭五神各有日。入於某日。

合祭之。其法有羔馬。至某時而後驗。胥山子難之曰。神豈道飲食而後靈耶。彼曰。男女飲食所好者神也。神無形也。以意力運神出則神亦為人出。即其所好。通見吾神。因施吾法焉。非若祭欺。徒媚以飲食也。子勿深詰。吾弗敢告子矣。吾固以爲妄。而苦此疾也久矣。聊一試之。因一日行其法。作文以禱神。其辭曰。繫人之生。秉靈懷奇。竊高趾厚。泰相二儀。上推啓鑿。下泄化機。衆聽差我。巧龍游望。食虎則馴。秦龍而肥。擷英已疾。播菓窮微。布灰闕掌。乘羽逃魑。創物制形。任意莫違。儼靈府之曠。深包百怪之參差。一拂則鳴。一染則縈。事關古今。書傳孔姬。金勝豹韜。烏迹龍圖。聯編比簡。句析章雉。漫爛五車。參羅是非。匪誦匪習。一念則隨。至於識簡。知陵探環。悟兒部曲。萬人一目。謂誰口存亡書。手覆壞墓。意者魂收其亡。尸錄其道。納之黃庭。闔以靈扉。以時開闔。以應時用。分曹隸屬。各有攸司。胡爲乎血氣則均。獨分頑鄙。四體不動。又不強記。今則稍昔。夜則昧晝。嗒然都忘。廢若委水。唯汝心君不絕不綱。訓下不齊。餘官四冗。並棄爾典。嗟爾職藏。不吝不晉。盜發吉竭。弗究弗追。日厭甘芳。自憚自嬌。使吾終安昏塞。既得復失。逮壯已然。垂白奈何。今者不決汝歸。更惠以德。既來既享。曷以報我。靜聽久之。忽若嬰兒之聲。既噎復吐。欲揚而抑。聞其言曰。嗚呼。子之愚也。

甚矣。乃不自尤而尤我。我子之幼時。髮髻垂帶。父仁母慈。弗報弗常。人所痛。乃獨捨之。寬思詭奇。樂而忘疲。乳虎玄駒。已志齷齪。既冠既頽。弗悔所爲。譬如萌蘖。怒去得兩益滋。鉗制其形。求之禮儀。解釋萬事。了無出期。星移歲遷。物必異姿。大化則然。誰使汝悲。朝煙暮靄。臺高樹危。景物自然。誰使汝思。貪饕多欲。久淫不還。事左顧幸。動觸憂患。身輕如毛。責重如山。愁居囑處。積矣不完。造化一摸。天不汝慳。今者脉絡甚順。膝理續密。却刺無功。焉用砭石。五毒弗主。百品奚益。熊經鳥伸。自疲膚脊。非腫非瘍。不羸不瘠。日用不廢。何苦區區。務去之也。子不聞乎。方寸八達。磊如明珠。又復如鑑。物去則無一塵。爲傷。况復塗塗。捐寶攻堅。日夜求虛。緣念速起。亦貴速滅。豈容旅宿。而奪主居。九流百家。大道裔餘。多積難蘊。祇益自困。萬事不留。欣戚亦除。人呼而應。經目則視。脫此羈羈。騰躍自如。脩者弗綴。子何苦諸。昔人以聖智爲疾。以妄冠真。既寤而悟。操戈逐儒。於子觀之。乃知非誣。然子自知其忘。其忘未甚也。并此不知。迺其至。歟。胥山子復然。起謝曰。神姑寧止。吾弗求其他矣。於是垂棄其法。王直講集江行禱神文。某所之神曰。某不孝罪釁所延。先人傾背。即自官所扶護。喪匱歸葬鄉里。由進舟以來。且慕且泣。且念自此而南。經厓江湖。衝沍屈折。益四千餘里。洪濤